

სხოპაზა ლიხისა მიჰელ პარხზილისა

(მონტაჟი გრიგოლ ხანძთელის და სერაპიონ ზარზმელის ცხოვრებათა მონაცემებისა)*

ცნობილია, რომ IX საუკუნეში კლარჯეთსა და სამცხეში ინტენსიური სამონასტრო მშენებლობა მიმდინარეობდა. იმ პირობა შორის, რომლებიც სათავეში უდგნენ ამ მშენებლობას, თავის დროს უურადლებას იპყრობდა მიქელ პარხევილი, თანამედროვე და მეგობარი გრიგოლ ხანძთელისა. ის მოხსენებულია გრიგოლისა და სერაპიონ ზარზმელის „ცხოვრებაში“. უკანასკნელში აღნიშნულია, რომ მიქელის მოწაფეებს აღუწერიათ კიდევაც მისი „ცხოვრება“, რომელიც სამწუხაროდ ჩვენამდე არ შენახულა. დაკარგვა კტიტორული აგიოგრაფიის ასეთი ძეგლისა დიდ ნაკლად უნდა ჩაითვალოს ჩვენი ლიტერატურის ისტორიისათვის.

ამ ხარვეზის ოდნავ მაინც ამოვსების მიზნით ჩვენ განვიზრახეთ ამოგვეკრივა გრაგოლისა და სერაპიონის „ცხოვრებათაგან“ მიქელის შესახებ ცნობები, გაგვეკეთებია თავისებური მონტაჟი ამ ცნობებისა და მოგვეცა ნაწარმოები, რომელიც იქნებოდა არა «ცხოვრება» მთელი მისი, უეჭველია, მდიდარი შინაარსით, არამედ ზოგი რამ „ცხოვრებისაგან“ მისისა. ფიქრობთ, სანამ აღმოჩნდებოდეს მიქელ პარხევილის მთლიანი «ცხოვრება», ასეთი რამეც სასარგებლო იქნება.

მიჰელ პარხევილი

ესე ნეტარი მამა ჩუენი მიქელ იყო ქუეყანისა შავშეთისაჲ, სოფლისა ნორგიალისაჲ¹. ხოლო მოვალს ჩუენდა სიტყუაჲ ესე ნამათა მიერ, რამეთუ იყო იგი მოწაფე დიდისა შიოხსი საკურეველ-მოქმედისაჲ, რომელი, ვითარცა მთიები განთიადისაჲ. ბრწყინვიდა ქუეყანასა ქართლისასა². აღეშენა რაჲ წმიდაჲ და დიდი უდაბნოჲ ოპიზაჲ მონაზონთა მიერ, რომელთა ეწოდებოდა ამონა, ანდრია, პეტრე და მკარი, ამისსა შემდგომად მოვიდა მუნით³ მიქელ მიძნაძოროს და მონაზონ იქმნა⁴. რაჟამს ხანძთაჲ იქმნა სახელოვან მადლითა და სახარულევან სულიერთა შვილთაგან, მიძნაძოროთ ხანძთად მოვიდა იგი, რამეთუ იყო მეგობარ ნეტარისა გრიგოლ ხანძთელისაჲ. და ეძიებდა მარტოდ-მყოფობასა⁵. აღვიღსა კლდოანსა და უვალსა კაცთაგან⁶, ბერთისა პარხეთა, პოვა თავისა თვისისა სამკვდრებელი და განზრახვითა ამის წმიდისაჲთა დაემკვდრა მათ შინა⁷.

5
10

* რედაქციას მოაწოდა სოლ. უუბანიშვილმა.
¹ გრიგოლ ხანძთელის ცხოვრება [ნ. მარის გამოცემა], გვ. 38. ² ცხოვრება სერაპიონ ზარზმელისა [ქ. კეკელიძე, აღრიზდელი ფეოდალური ქართული ლიტერატურა], გვ. 150. ³ სერაპ. 150. ⁴ გრიგ. გვ. 38. ⁵ გრიგ. 38. ⁶ სერაპ. 150. ⁷ გრიგ. 38.

უწყებითა საღმრთოთა აღაშენა მუნ მცირე ეგუტერი და შესაკრებელი მცირე ძმათა⁸ და კეთილად წარემართებოდა სათნობათა მიმართ უფლისათა⁹.

ნეტარი მამაა ჩუენი მიქელ იყო აღმაშენებელი, სასწაულთა და ნიშთა მოქმედი მაღალთა და დიდთა¹⁰ რომლისათვისცა მტერი ეშმაკი იგლოვდა ფრიად, რამეთუ ხედვიდა წმიდათა კაცთა განმრავლებითა ჟამისა თვისისა შემოკლებასა და მიქელისთვის დიდსა საუცრებასა ცხადად და ფარულად ჰყოფდა, რაათამცა განიოტა უდაბნოთ. ხოლო იგი ძლიერად მოითმენდა გუემათა დაუძინებელისა მის მკდომისათა. და არცხუენდა თითოსახეთა მათ მანქანებათა მისთა შეწევნითა ქრისტესითა და წმიდათა ყოველთა ოხითა.

ხოლო იყო ჟამსა რომელსამე მამა მიქელ განშორებულად სენაკსა თვისსა, მდგომარე მაღალსა კლდესა ზედა მცირედ რაამე უდბად. და კადნიერ იქმნა მის ზედა ბელიარ და სიმალლისა მისგან გარდამოაგდო ქუე. და დაიცვა ყოვლადუვნებულად ყოველთა მეუფემან ქრისტემან ღმერთმან. არამედ მამა მიქელ შეზრუნდა მიმდემი სამარადისოსა მას ბრძოლასა და მოწაფე თვისი მიავლინა სულიერად მოძღურისა თვისისა მამისა გრიგოლისსა და აუწყა ყოველი იგი განსაცდელი სულთა ბოროტთა. და წმიდა იგი მსწრაფლ მივიდა შეწევნად ძმისა თვისისა ძალითა უფლისაათა და განაძქნო იგი სულითა და ახლად ქელითა თვისთა შექმნნა ძლევისა მომცემელნი ქრისტეს ბეჭედნი, ორნი ჟუარნი ძელისანი, საფარველად მისსა და განსაოტებლად მტერთა, და იმიერ და ამიერ განშორებულად სენაკსა მისსა აღჰმართნა და საზღვრად უჩინნა წმიდასა მას, ვითარმედ „ორთა ამით ჟუართა ქრისტესთა შუა უშიშად იყავ შეწევნითა წმიდისა სამებისაათა და ძალითა პატიოსნისა ჟუარისაათა. ხოლო უკუეთუ წარჰვლო, კუალად განიცადო უძვრესად პირველისა“.

და ლოცვა ყვეს და წარმოვიდა სანატრელი გრიგოლ. ხოლო ნეტარმან მიქელ შოვა სრულიად განსუენებად, რამეთუ სიმდაბლითა დასცა მტერი ამპარტავანი, ვინაფთგან არა სიმართლეთა თვისთა ესვიდა, არამედ ღმრთისა მხოლოესა მინდობითა მოიყვანა მოძღუარი თვისი და სულიერი ძმა გრიგოლ შემწვდ. ვითარცა წერილ არს: „ძმა ძმისა შემწე ვითარცა ზღუდე დაუცემელი“¹¹.

ცხოვრებოდა რაა ნეტარი მამა ჩუენი მიქელ ბერთისა პარეზთა, წარემართა მისსა მიმართ ყოვლად ბრძენი სერაპიონ, რომელმან ჟამსა მოწვევულსა ზარზმად აღაშენა; და თანა ჰყვა მას ძმა მცირე ჰასაკითა, სახელით იოანე, და დიდსა მიქელს, ვითარცა მამასა სულთასა და მზრდელსა ობოლთასა. შეჰვედრა თავი თვისი. ხოლო ნეტარსა მას სხუანიცა მრავალნი აქუნდეს მოწაფენი, სრულნი და ბრწყინვალენი სათნობითა. ვითარცა დიდსა ანტონის ილარიონ და მაკარი, ეგრეთვე მიქელს ბასილი და მარკელაოზ. და მათ თანა შეჰვედრა ნეტარი სერაპიონ თანა ძმითურთ და თანააღრაცხილ ყვნა დასსა მოწაფეთასა¹².

მო-რამ-იწია ჟამი, ღირსი სერაპიონ ბრძანებითა მიქელისაათა პატივითა მღდელობისაათა სრულ იქმნა და ღირსებით მსახურ საღმრთოესა საკურთხეველისა. და ამან ყოვლად—განთქუმლან და დიდთა ნიშთა მოქმედმან მიქელ აღზარდნა და სრულებად სათნობისად აღიყვანნა იგინი. და იყვენს მის მიერ შეყუარებულ, ვითარცა კეთილად მიმღებელნი სწავლათა მისთანი. ამით ესვეითართა საქმითა ადასრულეს ჟამი მრავალი წინაშე მისსა და ყოვლითურთ მობაძვე მისსა იქმნეს¹³.

⁸ სერაპ. 150. ⁹ გრიგ. 38. ¹⁰ სერაპ. 150. ¹¹ გრიგ. 38. ¹² სერაპ. 150—151. ¹³ სერაპ. 151.

იყო რამ დიდი იგი მამამ და მოძღუარი მიქაელ მდგომარე ლოცვასა ლამი-
სასა, განკურვებამ რამემ დაეცა და აღიტაცა ზეცად და იხილა ვინმე, ვითარცა
მღდელ-შუენიერად შემოსილი, და ეტყოდა მას, რათა მის მიერ განსწავლულნი
იგი მოწაფენი მყის წარავლინენს ქუეყანად სამცხისად, რომელ არიან სერაპიონ
და იოანე. და უჩუენებდა ნიშთა რათმე და სახეთა, თუ რომელსა მივიდენ ად- 5.
გილსა; პოონ, მივიდენ რამ, სასწაული იგი და მუნ კელყონ აღშენებამ მონას-
ტრისამ და შეკრიბენს მას შინა სულნი მრავალნი სადიდებელად ღმრთისა და
მეუფისა ყოველთაჲსა. ხოლო მორაგეო გონებასა წმიდაჲ იგი, რომელსა მრავალ-
ნი ეხილუნეს ნიშნი საღმრთონი, მოუწოდა წმიდათა მათ და შეკმუნებულთა
პირითა ჰრქუა სერაპიონს: „საყუარელო შვილო და ქრისტეს მიერ ძმთ სერა- 10
პიონ! ფრიად მიძიმედ აღმიჩნდა ბრძანებამ ესე, რამეთუ ფრიადცა უყუარს სულ-
სა თანაზრდილობამ და უფროჲსა რომელნი საღმრთოთა სიყუარულითა შე-
კრულ იყვენ. აწ ვინაჲთგან საღმრთოჲ არს ბრძანებამ ესე, გიქმს, რათა განხვდე
ამიერ და აღაშენო სულთა-სამზრუნველოჲ სადა იგი გიჩუენოს შენ ღმერთმან“.
ხოლო მას ესმა რამ წმიდისა მიერ, დავარდა ფერკთა თანა მისთა და მყოვარჲამ 15
უქმოდ მდებარე იყო. ხოლო წმიდამან უპყრა კელი, აღადგინა და ეტყოდა:
„ეულმპრობილ იყავ, შვილო, რამეთუ შეუძლებელ არს ბრძანებასა საღმრთოსა
მცირედცა წინაგანწყობამ, და ესეცა ბრძანებაჲვე არს, რათა რომელი გეტყოდა
ჟუარისა ოდენ მარტოდ ტვრთვასა, იგივე გეტყუს, რათა ცხოველი ხატი განკა- 20
ცებისა მისისამ იტვრთო და ეგრეთ განხვდეთ, რათა, აღარაჲ-აშენოთ წმინდაჲ ეკ-
ლესიამ, მას შინა აღმართოთ იგი თაყუანის-საცემელად და სენთა და უძღურთა
განმდევნელად და სულთა მრავალთა გამოსაჯსნელად“. ესევეითარი რამ მრავალ-
ლი ესმა წმიდასა მას, სიტყუსა წილ ცრემლთა სიმრავლე გარდამოადინა და
ჰრქუა: „უკუეთუ სათნო არს, მამაო, წინაშე შენსა, ევედრე ღმერთსა ჩემთჲს,
რათა არა განმშაშროოს წმიდასა კრებულსა შენსა და მარადის ხილვად წმიდასა 52
პირსა შენსა“. ხოლო მან მიუგო და ჰრქუა, რათა არა დააკლდე საღმრთოსა
გვრგვინსა მორჩილთასა, ამიერ დააცადენ სიტყუს-გებანი და მზაყავ თავი შენი
სლვად გზათა და თანამოგზაურ შენდა ყავ ძმამ შენი იოვანე და ოთხნი ძმათა
ამათგანნი“. ხოლო აუწყნა ნიშნი რამემ მის ადგილისანი, რათა ადვილად იცნან
ადგილნი იგი, რომლისა აღშენებად ბრძანებამ მოელო. ესევეითარნი რამ სიტყუა- 30
ნი ესმნეს წმიდისა მისგან, არლარა იკადრა წინაგანწყობამ, არამედ შეუვრდა
ცრემლით და მოწოდებდ შეიტკბენს ურთიერთას წმიდათა მათ და აგრეთვე მსგავ-
სად ყოველნი ძმანი, და ლოცვამ წმიდისამ საგზალ თჲსსა ყვეს¹⁴.

და წარმოემართნეს რა და მიმოვიდოდეს ჰირით და შრომით ადგილთა მათ
ვიწროთა, პოვეს ნიშები და სასწაულები, უწყებული დიდისა მისგან მოძღუ- 35
რისა, და განიხარეს დიდითა სიხარულითა და აღაშენეს მცირე ტალავარი, რომე-
ლი იქმნა მათ შემწყნარებელ უცხოებისა მათისა¹⁵. და აღაგზნეს ცეცხლი და
აქდა კუამლი დიდძალი. ვითარცა იხილა ესე უფალმან მის ადგილისამან გიორგი
ჩორჩანელმან, რომელი ჟამსა მას იყო მდევარ ნადირთა, განკურდა ფრიად და
მყის უბრძანა ერთსა ვისმე მონათაგანსა: „წარვედ მსწრაფლ და ზედამიწევნით 40
ცან ძალი საქმისა ამის და მაუწყე ჩუენ“. ხოლო წარვიდა მყის ყრამამ და ჰირი-
თა და შრომითა მიჰყვა კუამლსა მის ცეცხლისასა. ვითარცა მიიწია მუნ, იხილა

¹⁴ სერაპ. 151—152. ¹⁵ სერაპ. 152—153.

ტალავარი იგი და კაცნი შემოსილნი ხალენებითა უცხოთა მეუღაბნოთაჲთა და ჰკითხვიდა მათ ვინაობასა ანუ რაჲმე არიან საქმენი მათნი? იწყო წმიდამან სერაპიონ და წარმოუთხრა. ვითარმედ ეგულეების აღშენებაჲ მონასტრისაჲ. და ესეცა შესძინა. ვითარმედ „ბრძანებაჲ არს საღმრთოჲ და მოწაფენი ვართ ნიშთა და სასწაულთა მიერ განბრწყინებულის მიქელ პარეხელისანი“. და ვითარცა ესმა ესე ყოველი კაცსა მას, ყოველი მიუთხრა დიდსა მას მთავარსა, რომელმან კუალად უბრძანა ორთა საკუთართა თუსთა, რათა ზედმიწევნით ცნან ყოველივე. ხოლო წარმოვიდეს კაცნი იგი, რომელთა წმიდამან მამამან სერაპიონ ჰრქუა: „არას ვიტყვით გარეგან ჰეშმარიტებისა, რამეთუ მოწაფენი ვართ დიდისა მის და განთქმულისა მიქელ პარეხელისანი და ბრძანებითა საღმრთოთაჲ მის მიერ წარმოვლინებულნი, რათა ადგილსა ამას აღვაშენოთ შესაკრებელი ცხოვართა პირმეტყუელთაჲ“. ხოლო მათ ვითარცა გულისხმა ყვეს, რამეთუ ჰეშმარიტ არიან სიტყვანი მათნი და სახელი დიდისა მის მოძღუერისაჲ ესმა, წარემართნეს და მიიწინეს რაჲ წინაშე გიორგი ღმრთისმსახურისა, ყოველივე ხილული და სწენილი წარმოუთხრეს. ხოლო მას ესმა რაჲ, ვითარმედ მოწაფენი მიქელისნი არიან, ირწმუნა ჰეშმარიტებაჲ სიტყუათა მათთაჲ¹⁶.

ქელისაპყრობითა დიდისა მის მთავრისა გიორგი ჩორჩანელისაჲთა აღეწენა ეკლესიაჲ ზარზმისაჲ, რომელსაცა მისცნა მან ყოველნი საქმარნი: ჯორები და კარაულები და სოფლები¹⁷. ღმერთშემოსილი მამაჲ გიორგი, ეპისკოპოზი აწყურისაჲ, რომელი აღიზარდა განთქმულსა მას მონასტრსა ოპიზას, უტყუელითა მით პირითა იტყოდა: „ვიყავ რაჲ უდაბნოსა ოპიზისასა, საყოფელსა წმიდისა წინამორბედისა ნათლისმცემელისასა, მიერ აღვედ დიდისა მამისა მიქელისსა; და, ვიყავ რაჲ წინაშე მისსა, მაშინ წარავლინნა მიქელ ორნი მოწაფეთა მისთაგანნი და მიუწერა ებისტოლე სერაპიონს და ძმასა მისსა იოვანეს მსწრაფლ მისლვად წინაშე მისსა, რამეთუ იცოდა ჟამი განსლვისა თუსისაჲ, რათა იხილენ ურთიერთას და რათა ზედა მიწევნით ცნას, თუ ვითარ იქმნა შენებაჲ ზეცით უწყებულისა მის ადგილისაჲ. ხოლო იგი, ვითარცა იყო ბრძანებასა მოძღუერისა მორჩილ, მსწრაფლ მოვიდა თუსით ძმითურთ, რომელსა სხუანიცა მრავალნი ძმანი ჰყვეს. და ვითარცა იხილეს ურთიერთას დიდმან მიქელ და სერაპიონ, განიშუეს, ვითარცა შეჰგავს მხიარულებით და ცრემლთა თანა აღძრვით ჰმადლობდეს ღმერთსა, და მიიღეს კურთხევაჲ ყოველთა ძმათა ურთიერთას. და ვითარცა გარდაჰდეს ორნი დღენი და განისუენეს, მესამესა დღესა დიდმან მიქელ გამოჰკითხა წარმართებაჲ და ვითარებაჲ ადგილისა მის, ანუ თუ ვინ იყო თანაწემწე და მოლუაწე მათდა? ხოლო ნეტარმან სერაპიონ იწყო პირველთაგან და ყოველი წარმოუთხრა. და ვითარ თანაშემწე მათდა იქმნა დიდი იგი მთავარი გიორგი ჩორჩანელი და ყოველივე მათზედა მოწევნული, და ვითარ ადგილსა მას ორძის სომრავლე ძმთაჲ, და სასწაულთა მათთუს დიდთა განკმობისათუს ცბისა და კაცთა მათთუს ურჩითა დაფარვისა, და ყოველივე, რაჲცა იქმნა, შემდგომითი შემდგომად. ვინაჲ განიხარა წმიდამან მან და მადლი მისცა ღმერთსა და აკურთხა კურთხეული იგი კაცი გიორგი ჩორჩანელი. და თუ ვითარ შემსგავსებული სახელი ეწოდა ზარზმა ერთა მიერ, სასწაულთა საყვრველთა ზარგან-კდილთა. ესე ყოველი რაჲ ესმა წმიდასა მას, იხარებდა სულთაჲ.

¹⁶ სერაპ. 154—156. ¹⁷ სერაპ. 165—167.

ამისსა შემდგომად მოუწოდა მამამან მიქელ კელარსა და პრქუა. რათა მზა ყოს სერი. მერმე წართქუნეს განწყებულნი ფსალმუნნი ჟამსა ცხრა ჟმისასა. და დასხდეს სერობად, და იწდიეს ღვთა და სულიერი და კორციელი სიხარული განზავეს. მაშინ წმიდამან მან მამამან, დიდთა ნიშთა და სასწაულთა მიერ განზრწყინებულმან მიქელ მიხედა ნეტარსა სერაპიონს და პრქუა: „წ, საყუარელო შვილო და ძმად სერაპიონ! მრწამს კემშარიტად ღმრთისა სასწაულთა მათთვის, შენ მიერ აღსრულებულთა, ანუ თუ ვითარ იყოს წარმართებად ადგილისა მის. გულსავსე ვიქმნე, უკუეთუ ესე იქმნეს“. ხოლო განგებითა საღმრთოთა იყო კედელსა ეკლესიისასა რტოა ბაჟაჟაჟა მრავალჯამეული. და აღიღო კელითა თვისითა მამამან მიქელ და მისცა წმიდასა სერაპიონს და პრქუა: „შვილო, 10 დანერგე ესე მახლობელად ეკლესიისა და, უკუეთუ განედღეს, უწყოდე კემშარიტად, რამეთუ ნაყოფიერებაჟ არს ადგილისა მის, წარვედ და გულს-მოდგინედ აშენებდი“. ვინაჟცა განკვრევაჟმან შეიპყრნა ყოველნი მუნ მსხდომარენი და პრქუეს ურთიერთას: „არა დიდ არს ორთავე ამათ მიერ სიდიდე სასწაული-საჟ?“. ხოლო ყოვლად-უცხოჟ იგი ზუაობისაგან შეუევრდა წმიდასა მას და 15 ეტყოდა: „წმიდაო ღმრთისაო, წინაშე შენსა არარაჟ შეუძლებელ არს. რამეთუ კელმწიფებაჟ მოგიღებეს მთაცა ცვალებამდე“. და გამოუღო კელთა მისთა და დაჰნერგა ქუეყანასა, ხოლო შემდგომად მცირედისა განედღდა და რტოგარდაფენით ქადაგებდა დიდებულსა მას სასწაულსა. და ვითარცა იხილეს ყოველთა, განკვრდეს და აღიდებდეს ღმერთსა.

ღღესა ერთსა ილოცვიდეს რა ჟამსა სამყამისასა და აჰა ესერა დაეცა განკვრევაჟაჟ წმიდასა მას და მყოვარჟამ დგა განცუფრებული. ამისა შემდგომად, ვითარცა რულისაგან ღრმისა განღუძებულმან მიხედა ნეტარსა სერაპიონს და პრქუა: „ისწრაფე, ძმად, და წარვედ ადგილთა ნამუშაქვეთა შენთა, რამეთუ 25 შფოთნი რაჟმე შემთხუევედ არიან ჟამ რაჟოდენმე. ხოლო თუ უნდეს ღმერთსა, აღრე იქმნას განქარებაჟ მათი. გარნა მე ვერდა მიხილო ოდესცა სოფელსა ამას. რამეთუ აღრე წარვალ ამიერ. ხოლო შეკრებასა მას ყოველთასა ნებითა ღმრთისაჟთა გიხილო მხიარული და ბრწყინვალე, ვითარცა რაჟ მუშაკი კეთილი, სასყიდლითა განმდიდრებული. ხოლო ძმად შენი იოვანე მივედინ ადგილსა სხუასა, რომელი. ისწაოს რაჟ. შენებასა მისსა მოსწრაფედ თანამზრუნველ ექმნას 30 კაცთა მათ. რომელნი პოვნეს ადგილსა მას, რომელსა მონასტერი აშენოს“. და მისცა მას სასწაული ადგილისაჟ და ნიში. რომელსა ეგულვებოდა მისლვაჟ იოვანეს. ხოლო ესევეთარი რაჟ ტუბილი ანდერძი წარმოთქუა და ყოველი ყოფადა წინაჟსწარ მოუსწავა და წარგზავნა ცრემლითა აღსავსენი და უფროჟსა, რამეთუ არა ესვიდეს კუალად ხილვასა მისსა¹⁸.

ნეტარი მიქელ პარეხთა შინა მრავალთა წელიწადთა ცხოვნდა და აღ-რად-ესრულა. მუნვე დაემარხა¹⁹. ხოლო საღმრთოჟ მისი მოქალაქობაჟ და მდინარეთა უმდიდრესნი სწავლანი და ნიშნი და სასწაულნი დიდნი, მის მიერ აღსრულებულნი, შემდგომად სიკუდილისა მისისა მოწაფეთა მისთა აღწერნეს²⁰. და აწ საფლავი მისი და დიდებულისა მამისა ბასილისი. რომელიცა შემდგომად 40 მისსა პარეხთა მკვდრ იყო, ერთგან არიან და კაცთა კურნებასა მიჰმადლებენ, რომელნი სარწმუნოებით მივლენან მათდა²¹.